

中國方志叢書·華中地方·第一三一號

據

清·葛之莫等修，陳哲纂
民國十八年鉛印本

影印

江蘇省

睢寧縣舊志

(全)

成文出版社有限公司印行



10096430

中華民國六十三年六月臺一版

唯寧縣舊志

全冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

重印睢寧舊志弁言

吾邑舊志湮沒已久故老相傳莫不愧惜光緒十一年侯紹瀛氏宰睢以舊版被燬於紳耆家覓得康熙五十七年劉如宴氏所修舊志四卷簡篇殘缺記載未詳特商丁酉圖學博采訪蒐羅成睢寧志稿六卷其名志稿者乃侯丁兩氏欲侯博鴻君子之誦德也戊辰秋吾友夏君季實胞弟惠軒參觀北平圖書館

檢得舊志四卷完全無缺如獲奇珍予聞之亦欣然
色喜即與季實惠軒商諸同邑親友姬君覺彌夏君
子城郭君震東王君賓卿袁君在堂卓君嚴亭夏君
墨林朱君慕程及族叔軸臣族弟衡甫等醵資錄印
俾廣流傳按邑志初修於萬曆十四年有申其學氏
序再修於崇禎十五年有高岐鳳氏及先七世太胞
叔祖應中公序三修於康熙四年有石之玖孫大經

徐常三氏序四修於康熙二十二年有葛之莫氏序
此志卽四修之本而劉氏所修志書尙在此志後三
十餘年侯氏既未經見又未覓得劉志完本故凡吾
邑歷代豪俊賢哲顯功亮節爲此志所紀者侯志頗
多疏畧誠一憾事也余曩在國省兩會代議時曾促
縣當局增修新志雖經蒐集尙未成書而此志適於
是時獲見文獻足徵豈非快舉哉

中華民國十八年歲在己巳花朝日邑人王玉樹識
於北平仁民別業

原修睢寧縣志序

余不佞以樗櫟凡品繆叨兩院特疏將天子命來取
于睢受事之明年僉遽以志請曰縣之有志猶列國
之有史也匪志何觀余愀然曰茲時也魚鱉之民未
席鴻鴈之夫未歸瘡痍極目廢墜蜩集正余之宵旰
時也丙戌夏余業官者五載大司馬楊公檄取睢志
以爲觀風計余率無以應而僉之所請益堅余始允

之第未得其人也是年秋博士于臺黃公相繼至博
通今古有倜儻才余即以志事屬之不避僭妄更端
告曰志所以鏡古鑒今顧有體哉炫辭則浮任質則
野博愛則濫輕視則刻今特與約事不必侈惟其核
語不必贅惟其確其志田賦也毋虛數而標名其志
戶口也毋僞增而彰譽其志人物也毋重勢利而輕
道義其志節孝也毋進明達而退草茅其志官師也

毋貴甲第而賤貢舉其志文藝也毋取浮薄而黜雅
重其志建置也以不勞民不傷財爲賢而作無益傷
有益者不與焉其志宦蹟也以有實心行實政者爲
能而隆虛譽病實德者不與焉使世人觀之莫不曰
纂輯之有體而信今傳後者有如此否則輪轅徒飭
操觚是聘茲不特爲賤子之羞博士之戚抑亦爲爾
二三子後議之憂遂次第其言而爲之叙

萬曆十四年丙戌夏知睢寧縣事日照申其學撰

重修睢寧縣志序

睢陵古名郡居淮楚上游瀕河舊有城乃土築者日
照申公易之以磚河決爲黃水淤沒深及女牆上乃
在上城反居下戊寅春余謬膺特簡來莅茲土值流
寇焚燬之餘居民皆鳥獸散存者不過數十餘家且
兵燹雖息風鶴時驚□所恃以無恐兼之征檄旁午
軍需甚急徒爲焦勞無益也時四野皆萑葦荒蕪一

望蒼蒼強爲無米之炊下令凡一應贖鍰皆許納草
准金省民間襍差每社輸草若干以代公費了此皆
欣然樂從未幾柴積如山乃于四門外設窖十餘座
招工匠陶冶未期年而城屹然以完漕撫朱制臺特
疏題請下部優叙時流寇交棘制臺委余隨營監紀
忽有小袁營統衆數萬蹂踐睢境住扎于城東找溝
集余以睢屬舊治不忍地方塗炭請命制臺偕總鎮

劉良佐親冒矢石□□袁營賊踉蹌西走會漕撫史
公新任紳士力請復命予回縣料理又爲增四城樓
以便瞭望禦侮之具畢備邑人賴以稍安政事之暇
紳士周明遠孫國禎等請修邑舊志以見維新之意
余聞之國有信史家有信譜郡邑則有信志豈獨漫
滋遊揚而羣開簞籥已哉故其載也惟詳惟該其著
也惟博惟約文取一二闢群芳于萬古義存什伯正

附錄卷二
與類于片辭一裘之領而百狐之腋不外是焉則因
文以見道推義以弘化藁爾燭炤仰增上國之光石
室麻徵秘啓後來之盛探詞藻之淵而嚴風紀之鏡
者其毋忽于斯編

崇禎十五年戊寅春知睢寧縣事關西高岐鳳撰

修睢寧縣志序

余家世于睢踐土食毛三百年矣丁丑寇氛蹂躪靡
室靡家棲遲淮上謀爲歸睢之計幸值興周高邑侯
莅睢長才小試烹鮮奏績百廢具舉復睹盛世威儀
遂徘徊不忍去睢舊有城乃申公所修爲水淹沒學
宮衙宇寺觀皆俯視淤沙間侯慨然規畫次第整頓
且兵荒之後公私匱乏侯百方設處圖國事如家事

卽城池大工未幾屹然告成侯之勳偉矣哉至于嘉
猷善政載在風謠勒成卷帙史不勝書行且報最天
府註名麟閣迺聽政之暇與一二友聲憫懷志乘散
逸先蹟棼泯思有以釐葺之董其事者則貢士周慶
雲也周家世詩書累代閥閱固爲吾鄉望族而後先
交映繩繩未艾所稱文獻者是歟凡邑之古蹟勝境
稗官野史無不胸羅而囊載之於以襄厥事有餘矣

書成忝簡索余言爲序予寡學渺聞自分無以應命
且去睢三百里無能奉鉛槧如游夏從事于側乃遙
憶睢之城郭復故巷陌如舊武備增張文事興起鴻
雁集于澤狐鼠淨于社典文燦列金石鑠古煜今伊
誰之力歟匪侯倡導于上二三子贊勦于下弗克臻
此謹書數言于端以寄春秋大復古之意云

崇禎十五年邑舉人王應中撰